

7218

Grad Novi Pazar

Skupština grada

Odbornici SDA Sandžaka

Novi Pazar

13. maj 2024. godine

ГРАДСКА УПРАВА ЗА ИСПОСРЕДНО И НЕПОСРЕДНО  
 УПРАВЉАЊЕ - ИТАЈ - НОВОГ ПАЗАРА  
 GRADSKA UPRAVA ZA POSREDOVANJE I NEPOSREDOVANJE  
 POSLOVANJE - GRAD NOVI PAZAR

Испреписано / Приједлог 14. 05. 2024

Opšti Oznaka	Opis Opis	Broj Broj	Datum Datum	Opis Opis
I		OG - 161/24		

07:57h

## P R E D S J E D N I K U

## S K U P Š T I N E G R A D A N O V O G P A Z A R A

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O POKRETANJU POSTUPKA OSNIVANJA USTANOVE „KANCELARIJA ZA RODNU RAVNOPRAVNOST“** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 14. maj 2024. godine.

## Odbornici SDA Sandžaka u Skupštini grada

Merfid Kamešničanin, predsjednik odborničke grupe, dr. Adem Đerlek, odbornik  
 Dinheta Pulić, zamjenik predsjednika odborničke grupe, Džanan Bačićanin, odbornik  
 Maida Baltić Spahović, odbornik, Saima Brunčević, odbornik  
 Kenan Kadrić, odbornik, Kadir Trubljanin, odbornik  
 Adem Pepić, odbornik, Ilma Dupljak, odbornik

Ovlašteni predstavnik predlagača je odbornica Dinheta Pulić

## PRIJEDLOG

Na osnovu člana 1. i 3. Zakona o javnim službama („Službeni glasnik RS“, broj 42/91, 71/94, 79/2005 - dr. zakon, 81/2005 - ispr. dr. zakona, 83/2005 - ispr. dr. zakona i 83/2014 - dr. zakon), člana 59. stav 1. tačka 5. i 6. Zakona o rodnoj ravnopravnosti („Službeni glasnik RS“, broj 52/2021), člana 7. i člana 32. stav 1. tačka 8) u vezi sa članom 20. stav 1. tačka 10. Zakona o lokalnoj samoupravi („Službeni glasnik RS“, broj 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), člana 147. Statuta grada Novog Pazara, („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 14. maja 2024. godine, donosi

### ODLUKU

#### **o pokretanju postupka osnivanja Ustanove „Kancelarija za rodnu ravnopravnost“**

##### Član 1.

U cilju sprovođenja načela ravnopravnosti polova, unapređenja politike jednakih mogućnosti, kreiranja i sprovođenja mjera jednakih mogućnosti za učešće i ravnopravan tretman žena i muškaraca u svim oblastima društvenog i javnog života u gradu Novom Pazaru, Skupština grada Novog Pazara osnovaće Ustanovu „Kancelarija za rodnu ravnopravnost“.

##### Član 2.

Nalaže se Gradskom vijeću i Gradskoj upravi za izvorne i povjerene poslove da, u roku od 30 dana od dana donošenja ove odluke, dostave Skupštini grada na razmatranje prijedlog Odluke o osnivanju Ustanove „Kancelarija za rodnu ravnopravnost“ i druga akta potrebna u postupku osnivanja, u skladu sa zakonom.

##### Član 3.

Ovu odluku objaviti u „Službenom listu grada Novog Pazara“.

### SKUPŠTINA GRADA NOVOG PAZARA

Broj:

U Novom Pazaru, 14. maja 2024. godine

**PREDSJEDNIK**

## **O B R A Z L O Ž E N J E:**

### **PRAVNI OSNOV ZA DONOŠENJE ODLUKE:**

Pravni osnov za donošenje odluke sadržan je u:

- članu 1. i članu 3. Zakona o javnim službama;
- članu 59. stav 1. tačka 5. i 6. Zakona o rodnoj ravnopravnosti;
- članu 7. i članu 32. stav 1. tačka 8) u vezi sa članom 20. stav 1. tačka 10. Zakona o lokalnoj samoupravi;
- članu 147. Statuta grada Novog Pazara; i
- članu 137. Poslovnika Skupštine grada Novog Pazara.

### **RAZLOZI ZA DONOŠENJE ODLUKE:**

Donošenjem ove odluke pokreće se postupak osnivanja Ustanove „Kancelarije za rodnu ravnopravnost“. Donošenjem ove odluke rodna ravnopravnost prepoznaje se kao jedan od prioriteta u budućem radu organa Grada Novog Pazara. Osnivanjem ove vrste specijalizovane ustanove politika rodne ravnopravnosti, a naročito društveni položaj i status žena, postaje sastavni dio redovnih aktivnosti lokalne samouprave u Novom Pazaru.

Donošenjem ove odluke Novi Pazar bio bi jedna od rijetkih ako ne i jedina lokalna samouprava koja bi na ovom institucionalnom i organizacionom nivou tretirala pitanje rodne ravnopravnosti.

Politika rodne ravnopravnosti treba da postane sastavni dio redovnih aktivnosti svih institucija na lokalnom nivou, čime će se rodna ravnopravnost uspostaviti kao nužan princip u procesu redovnog planiranja javnih politika i njihovog budžetiranja. Ovaj cilj se može ostvariti ukoliko se, kako je to ovom odlukom propisano, osnuje posebna ustanova. Osnivanjem ove ustanove institucionalni status pitanja rodne ravnopravnosti se ujednačava sa statusom kulture, umjetnosti, obrazovanja, sporta i drugih oblasti od posebnog značaja za razvoj lokalne zajednice.

Osnivanjem Kancelarije za rodnu ravnopravnost“ potvrđuje se da je rodna ravnopravnost preduslov razvoja našeg društva i da svi građani i građanke imaju jednake šanse da ostvare svoje pune potencijale i da se njihova ponašanja, potencijali i potrebe jednako vrednuju u društvu a naročito status i položaj žena.

### **OBJAŠNJENJE POJEDINAČNIH RJEŠENJA PROPISANIH OVOM ODLUKOM:**

Član 1: Utvrđen je predmet odluke.

Član 2: Propisana je obaveza Gradskom vijeću i Gradskoj upravi za izvorne i povjerenje poslove da utvrde i Skupštini grada dostave na razmatranje akta potrebna za osnivanje „Kancelarije za rodnu ravnopravnost“.

Član 3: Propisana je obaveza objavljivanja ove odluke u „Službenom listu grada Novog Pazara“

**Finansijska sredstva za sprovođenje ove odluke nisu potrebna.**